

ձբ.

Սա [գաղատացի Ստեփանն] փափաքի քահանայ լինիլ. վրդանէս եպիսկոպոսն յառաջադրեալ էր ոչ ոք օրհնել այսուհետև պատճառելով զծերութիւնն իւր, վասն յաժմոյս նոյն ըստէփանն ըստէփանոս վարդապետէ դաս առնէ առ ի պատրաստիլ քննութեան: Լվայ թէ հալէփցի տէր նիկողայոսն տեղդ եկեալ է և անդ աւել պակաս խօսի վասն իւր պատրիարգին<sup>1</sup>. ոչ ոք չի հաւատայ բանից նորին, զի ամենեքեան սուտ և զրպարտութիւնք են. աստուած դորա լոյս տայ. մօտերս զիր եկաւ պատրիարգէն, փափին սուրբ ժողովքին և ոմանց կարտինալաց. անունն յոյժ բարի և հաճելի է առաջի մեծաւորաց. միայն ասիմանն և եղբոր տղան ներհակ են իւրեան: (Յովնաննէս պատկերաձան առ Մխիթար, յամիկն 1744 դէկտ. 9. [Հտովմ]):

ձգ.

Աստէն Ֆռնիկ քահանայք ի մերձակայ գիւղս բնակօղք, նաև Ֆռանչիսկանք, և ևս շէզուիթք հրաւիրեն զիս երբեմն երբեմն ի մեծ տօն աւուրս զլատիներէն ձայնաւոր պատարագ ասել յեկեղեցիս իւրեանց, որովհետև զիտեմ (ասեն) զլեզուն լատինական: Վասն որոյ... աղաչեմ, զի եթէ զրիցէք վասն երկիցս պատարագելոյն, զայս ևս առակցիցէք. քանզի նաև Կղեմէս և Վիլլօթ ի Հայաստան բազմիցս հայերէն ասէին զպատարագ...: Յետ այսորիկ ծանիք, զի իբրև եհաս զիրն զերյարգելութեանդ ի ձեռս իմ, և ընթերցայ՝ իսկոյն որոնեցի զտաղարանս իմ, և երէկ օրինակեցի զերգն Երանելոյն Տէր Կոմիտասին: Ասեն թէ այրն<sup>2</sup> թագուհոյն ի 25 սոյն ամսոյս պսակելոց է ի կայսր: Բայց մաճարք ոչ կամին ճանաչել զնա՝ նաև իբրև զթագաւոր աստորիոյ, պօհէմիոյ, և մաճարաց, այլ միայն զթագուհին մինչև ցարբունս Յովսէփին որդւոյն իւրեանց: Դաև թէ որդին որ այսուհետև ծնցի ի կայսերէն՝ մի ունիցի զառաւելութիւն ինչ իշխելոյ յայսոսիկ երկիրս: Եւ ևս, զի կայսրն ոչ օգնեսցէ նոցա, յորժամ տաճիկն յարիցէ ի վերայ նոցա. որպէս նաև նոքա ոչ օգնեսցեն նմա ի բարձրագոյն երկիրս կայսերութեան: (Հ. Թեոդորոս Մետիայցի առ Մխիթար, յամիկն 1745 յուլիսի 24. ի շանցն Բեղրօվարատիկոյ):

ձդ.

Անցեալ շաբաթն փափին<sup>3</sup> հրամանաւն չորս կարտինալք ժողով արարին վասն տեղս եղեալ միսիօնարաց խնդրեալ բանիցն համար. ետ քանի աւուր սոցայ ասին թէ ահա սուրբ Հայրապետն շնորհեաց ըստ խնդրոյ ձերում, վասն որոյ պատրաստութիւն տեսէք, երբ տէքրէթն կատարի ճանապարհօրդ լինիք. և սոքայ ի վերայ այս բանին մեծ ուրախութիւնս արարին...: Զայն զօր այլ ճանապարհաւ լսեցի է այս, թէ ըստամպօլ եղեալ լաթին միսիօնարքն ոչ ոք իշխանութիւնս ունեսցին ի վերայ Հայոց, խոստովանութիւն սրբութիւն տալու. եթէ պատահիցի թէ ոմն Հայ ի կէտ մահվան կամիցի խոստովանիլ պատրոյ, այս լինիցի ներկայութեամբ Հայ միսիօնարի. և թէ Հայ միսիօնարքն կարող լինին ի յեկեղեցիսն պատրոց քարոզ և պատարագս ասել, խոստովանանք լսել և այլն. եկեղեցի խնդրելն ասլ չունի: (Յովնաննէս պատկերաձան առ Մխիթար, յամիկն 1745 օգոստոսի 7. [Հտովմ]):

1. Աբր. Պետրոս Ա.:

2. Փրանկիսկոս-Ստեփանոս Լոռնայ:

3. Բենեդ. ԺԳ.: